

आकाशवाणी

खबरां

- बिहार विधानसभा चुनाव के दूसरे गेड़ के लिए 122 निर्वाचन हलकें च नामांकन दाखल करने की प्रक्रिया जारी है। इस गेड़ लेई नामांकन भरने की कल खीरी तरीक ऐ।
- नागालैंड च नैशनलिस्ट प्रोग्रेसिव पार्टी NDPP ते Naga Peoples Front NPF नै आपूंच विलय - करने ते Naga Peoples Front दे बैनर हेठ इक सियासी पार्टी गठित दा फैसला कीता ऐ।
- रक्षामंत्री राजनाथ सिंह होर मंगलवारें पुलिस स्मृति दिवस पर दिल्ली च राष्ट्रीय पुलिस स्मारक पर शहीद पुलिसकर्मियें गी श्रद्धांजलि भेंट करगंन।
- विज्ञान ते प्रोद्योगिकी मंत्री डाक्टर जितेन्द्र सिंह होरें आखेया ऐ जे भारत नै अपनी पैहली स्वदेशी एंटीबायोटिक दोआई नेफिश्रोमाइसिन विकसित करी लैती ऐ।
- अफगानिस्तान ते पाकिस्तान केई दिनें दी जबरदस्त लड़ाई दे बाद संघर्ष विराम आस्तै राजी होई गे न। तोंआई पाकिस्तान दे बलोचिस्तान सूबे दे बक्ख-बक्ख हिस्सें थमां 8 आम नागरिक लापता होई गेदे न।
- पर्थ च भारत ते आस्ट्रेलिया बश्कार त्रै रोजा क्रिकेट मैचें दी श्रृंखला दे पैहले मैच गी आस्ट्रेलिया नै डकवर्थ लुइस तैहत एं विकटें कन्नै जिती लैता 17

<><><><><><>

Bihar Nomination

बिहार विधानसभा चुनाव के दूसरे गेड़ लेई 122 निर्वाचन हलकें च नामांकन दाखल करने की प्रक्रिया जारी है। इस गेड़ लेई नामांकन भरने की कल खीरी तरीक ऐ। इस गेड़ च राज्य दे 20 जिलें दे 122 विधानसभा क्षेत्रें च 11 नवंबर गी वोट पोआए जागंन। मेदवार जेकर चाहन तां 23 अक्तूबर तक अपना नामांकन वापस लेई सकदे न। तोंआई पैहले गेड़ लेई नामांकन वापस लैने की कल खीरी तरीक ऐ। पैहले गेड़ च 121 विधानसभा हलकें च वोट पोआए जागंन। भारतीय जनता पार्टी ते जनता दल युनाइटेड दल नै अपने स्टार प्रचारकें गी चुनां प्रचार पर लाए दा ऐ। देयाली दे बाद प्रचार च होर तेजी आनने की मेद ऐ। राज्य च पुलिस ते बक्ख-बक्ख एजेंसियां सुतंत्र पारदर्शी ते निरपक्ख चुनां करोआना यकीनी बनाने लेई कम्म करा करदियां न। इंकम टैक्स विभाग, राज्य पुलिस ते आबकारी मैहकमा बी सखत कारवाइयां करा करदा ऐ। 6 अक्तूबर गी आदर्श आचार संहिता लागू होने दे बाद थवां गै अधिकारियें 2 करोड़ 73 लक्ख रपे की नकदी, 22 करोड़ रपे कोला मते मुल्ल की शराब, 16 करोड़ 21 लक्ख रपे कोला मते मुल्ल दे नशीले पदार्थ ते 5 करोड़ रपे मुल्ल दियां कीमती चीजां जब्त कीतियां न। एदे इलावा मतदाताएं च बंडने लेई रक्खे गेदे 12 करोड़ रपे कोला मते मुल्ल दे तोहफे बी जब्त कीते गे न।

<><><><><><>

Nagaland Cese fire

नागालैंड च नैशनलिस्ट प्रोग्रेसिव पार्टी NDPP ते Naga Peoples Front NPF नै आपूंच विलय करने ते Naga Peoples Front दे बैनर हेठ इक सियासी पार्टी गठित दा फैसला कीता ऐ। इस विलय दे बाद मुख्मन्त्री नैफ्यूरियो गी Naga Peoples Front विधानमंडल दल दा नेता चुनेया गया ऐ। 60 मित्बरि नागालैंड विधानसभा च हूंत NPF विधायकें की गिनतरी 34 होई गई ऐ। दौनें पार्टियें दे विलय दा फैसला कल कोहिमा च NDPP की 6 मीं आम बैठक च लैता गया हा। एदे च पार्टी दे मित्बरें ते राज्य दे प्रतिनिधियें हिस्सा लैता। राज्य दे मंत्री के.जी केन्ये नै विलय प्रस्ताव पेश करदे होई आखेया जे इस कदम कन्नै नागा लोकें की क्षेत्रीय राजनीतिक पंछान मजबूत होगा।

<><><><><><>

UP Deepotsav

उत्तर-प्रदेश दी पवित्तर अयोध्या नगरी च नौमें दीपोत्वस दे भव्य आयोजन कीता गेदा ऐ। भगवान श्री राम दी घर वापसी दी खुशी च अज्ज शामी थमां गै अयोध्या नगरी दीयें कन्नै रोशन होई गेदी ऐ। पूरे शैहर च 26 लक्ख शा मते दीयें बाल्लियै पिच्छले बरे दा रिकार्ड तरोड़ने दी त्यारी कीती गेदी ऐ। इस बरै राम दी पौड़ी सने 56 घाटें पर मिट्टी दे दीयें दी रोशनी च पवित्तर सरयू नदी पर इक शानदार नजारा दिक्खने गी लब्बी रदा ऐ। दिव्य नजारा होग। एह दीपोत्सव विश्व मंच पर अयोध्या दे आध्यात्मिक ते सांस्कृतिक वैभव गी दर्शांग। एह आयोजन स्थानीय प्रशासन-सांस्कृतिक संगठनों और डाक्टर राम मनोहर लोहिया अवध विश्वविद्यालय दे सैहयोग कन्नै आयोजित कीता जा रदा ऐ। इस विशाल आयोजन च 10 ज्हार शा मते लोक शामिल होंगन।



Delhi Railway Reservation

देयाली दे मौके पर कल दिल्ली क्षेत्र दे रेलवे आरक्षण दफ्तर अद्दे-दुब्बे तौरा पर बंद रौहगंन। उत्तर-रेलवे आसेया जारी जानकारी दे मताबक संसद भवन प्रैस क्लब ऑफ इंडिया रेलवे बोर्ड सुप्रीम कोर्ट ते हाई कोर्ट स्थित रिजरवेशन सैन्टर पूरी चाली बंद रौहगंन। एदे इलावा दिल्ली मंडल दे आनंद बिहार टर्मिनल गुडगांव, फरीदाबाद, मेरठ, मुज्जफरनगर, पानीपत्त, रोहतक ते नोयडा सनें कोई 40एं कोला मते टिकट आरक्षण शामी लै बंद रौहगंन। रेलवै नै दसेया जे दिल्ली, दिल्ली जक्शन, हजरत निजामुद्दिनस, आनंद बिहार ते दिल्ली सराए, रोहिला रेलवे स्टेशनं पर चालू टिकट आरक्षण काउंटर रोजा आला लेखा कम्म करदे रौहगंन।



Cricket

पर्थ च भारत ते आस्ट्रेलिया बश्कार त्रै रोजा क्रिकेट मैचें दी श्रृंखला दे पैहले मैच गी आस्ट्रेलिया नै डकवर्थ लुइस तैहत 7एं विकेटें कन्नै जित्ती लैता । इस मैच गी बरखा दे कारण 50 दे बजाय 26-26 ओवर दा करी दिता गया हा, जेदे च डकवर्थ लुइस दे साहबै आस्ट्रेलिया गी जित्त लेई 131 रन्ज दा लक्ष्य थोआ। आस्ट्रेलिया नै ए लक्ष्य 21 ओवर ते इक गेंद च गै हासल करी लैता। एदे शा पैहले भारत नै आस्ट्रेलिया दे खिलाफ 26 ओवर च 9 विकेटें दे नुक्सान पर 136 रन्ज बनाइयै आस्ट्रेलिया दे सामने 137 रन्ज बनाए हे।



Blochisthan Missing

पाकिस्तान दे बलोचिस्तान सूबे दे बक्ख-बक्ख हिस्सें सवां 8 आम नागरिक लापता होई गेदे ना। मकामी मीडिया रिपोर्टें मुजब पाकिस्तानी सुरक्षाबलें पंजगुर, मसतुंग ते खरांग च केई नौजवानें गी हिरासतै च लैता ते उनेंगी बेपंछानू थाहरें पर लेई गे ना। पाकिस्तानी सुरक्षाबलें अज्ज बडुलै मूंहन्हेरे कोई पौने 2 बजे खरान दे किल्ली हसनाबाद इलाके दे मसकन कलात च उंदे घरें पर छापे मारियै 4 नौजवानें गी हिरासतै च लेई लैता। मनुक्खी अधिकार संगठन बलूच-यक-जेहती समीति नै बलोचिस्तान च पाकिस्तानी अधिकारियें आसेया लोकें गी जबरदस्ती अगवा करने, हिरासतै च लैने, घायब करने, उंदी हत्या करने ते उनेंगी यातना देने च बाद्दे दा जिक्र कीता ऐ। बलोचिस्तान च मनुक्खी अधिकारें दी स्थिति विशें पर अपनी रिपोर्ट च समीति नै जुलाई ते अगस्त दौरान पाकिस्तान अधिकारियें आसेया कीते गेदे जुलमें जायतियें दा जिक्र कीता ऐ। रिपोर्ट दे मताबक कवेटा, केच ते अवारन समेत बलोचिस्तान दे केई जिलें च जबरन गायब कीते जाने दे सभ्भत्तें दा मते मामले दर्ज कीते गे न जिन्दे च पाकिस्तान दी फ्रंटियर कोर दा हत्थ ऐ। रिपोर्ट च आखेया गया ऐ जे न्यांयिक हत्याएं दा सिलसिला विजन कुसे रोक-टोक दे जारी ऐ ते जुलाई ते अगस्त दे दौरान 29 लोक मारे गे ना।



Rajnath Singh Police Day

रक्षामंत्री राजनाथ सिंह होर मंगलवारें पुलिस स्मृति दिवस पर दिल्ली च राष्ट्रीय पुलिस स्मारक पर शहीद पुलिसकर्मियें गी श्रद्धांजलि भेंट करगंन। ए ध्याड़ा 1959 च 21 अक्तूबर गी लद्दाख च हथियारबंद चीनी सैनिकें आसेया घात लाइयै कीते गेदे हमले च शहीद होए दे 10 बहादुर पुलिस कर्मियें दे चेते च आयोजित कीता जंदा ऐ। इस मौके पर केन्द्रीय हथियारबंद पुलिस बल ते दिल्ली पुलिस दे जोआन सांझे तौरा पर परेड

करगंन। गृह राज्यमंत्री, CAPF ते केन्द्रीय पुलिस संगठनें दे प्रमुख ते होर केई मंत्री-परमन्त्री दीयां हस्तियां पुलिस शहीद स्मारक पर जाइयै पुष्पांजलि अर्पित करगंन। रक्षामंत्री होर इस मौके पर मौजूद लोकें गी सम्बोधित बी करगंन। CAPF ते केन्द्रीय पुलिस संगठन इस महीने दी 22 कोला लेइयै 30 तरीक तोड़ी केई कार्यक्रमें दा आयोजन करगंन।

<><><><><><>

Jitender Singh Nafithromycin

विज्ञान ते प्रोद्योगिकी मंत्री डाक्टर जितेन्द्र सिंह होरें आखेया ऐ जे भारत नै अपनी पैहली स्वदेशी एंटीबायोटिक दोआई नेफिथ्रोमाइसिन विकसित करी लैती ऐ। नमीं दिल्ली च जंदे रोज इक चिकित्सा कार्यशाला दा उदघाटन करदे होई उनें आखेया जे एह एंटीबायोटिक दोआई प्रतिरोधी श्वसन संक्रमणें गी खत्म करने आस्तै प्रभावी ऐ। उनें दस्सेया जे एह दोआई विशेष रूप कन्नै कैंसर दे मरीजें ते बेकाबू शुगर दी बीमारी आहले मरीजें आस्तै फायदेमंद ऐ। जितेन्द्र सिंह होरें इस गल्ल पर बी जोर दिता जे देश गी अपने साईसदानें ते अनुसंधान विकास गी रफ्तार देने आस्तै इक आत्मनिर्भर माहौल विकसित करना होगा। उनें दस्सेया जे ए.आई. आधारित हाइब्रिड मोबाईल क्लीनिक ग्रामीण ते दूर-दरेडे दे क्षेत्रें च सेवां प्रदान कर सभ्भनै आस्तै गुणवत्तापूर्ण स्वास्थ्य सेवा सुनिश्चित करा करदे ना। उनें आखेया जे नवाचार सैहयोग ते करुणा दा मेल देश गी विकसित राष्ट्र बनाने च सहायक होगा।

<><><><><><>

Afghan –Pak Ceasefire

अफगानिस्तान ते पाकिस्तान केई दिनें दी भीषण लड़ाई दे बाद संघर्ष विराम आस्तै राजी होई गे ना। कतर दे विदेश मंत्री होरें जंदे रोज एह घोषणा कीती। कतर ते तुर्किंएं दी मध्यस्थता च कल दोहा च अफगानिस्तान ते पाकिस्तान दे बश्कार गल्लबात च एह समझौता होआ। अफगानिस्तान दे प्रतिनिधिमंडल दी अगुआई रक्षामंत्री मोहम्मद याकूब होर करा करदे हे जिसलै के पाकिस्तान दे प्रतिनिधिमंडल च रक्षामंत्री ख्वाजा हाफिज़ ते खुफिया एजेंसी ISI दे प्रमुख असीम मलिक शामिल हे।

<><><><><><>

Fengshen Typhon

इस साल दा 24मां तूफान टाइफून फेंगशेन दे अज्ज रातीं तगर दक्खनी चीन सागर दे पूर्वी इलाके च दाखल होने दा अंदाजा ऐ, जेदे बाद एदी रफ्तार बल्ले-बल्ले बददी जागा। दक्खनी चीन दे हैननान प्रांत दे मौसम विज्ञान ब्यूरो दे मुजब कल्लै तक्कर मता खतरनाक रूप लेई लैने दी शैका ऐ, जेदे च हवा दी रफ्तार 30 कोला 35 मीटर फही संकीट तगर जाई सकदी ऐ। मंगलवार थमां दक्खन दिशा आली बक्खी अगड़े बददे होई इक ठंडे मोर्चे दे प्रभाव च इस तूफान दे दक्खनी चीन सागर दे उत्तरी इलाके च दक्खन-पच्छिम आली बक्खी मुडने ते हैनान टापू दे दक्खनी पूर्व आले समुंदर आली बक्खी बददने दे बाद बल्ले-बल्ले कमजोर पेई जाने दी मेद ऐ।

<><><><><><>

Messi Golden Boot

अर्जनटीना दे मशहूर फूटबाल खडारी-लियोनेस-मैसी नै इस बरे दा गोल्डन बूट सम्मान जिती लैता ऐ। उनें इंटरमियामी लेई खेडुदे होई दूए सीजन दे दौरान 29 गोल कीते ते 19 गोल करने च मदद कीती। इस उपलब्धी दे कन्नै गै मैसी इंटर म्यामी लेई गोल्डन बूट जितने आले पैहले खडारी बनी गे ना। मैसी कोला पैहले अर्जनटीना दे टैटी कैस्टेला नोस नै गोल्डन बूट 2021 च जितेया हा।

<><><><><><>

Railway Vaishnav

केन्द्रीय रेल मंत्री अश्विनी वैष्णव होरें आखेया ऐ जे नमीं दिल्ली रेलवे स्टेशन पर बनाए गेदे होल्लिंग एरिया यात्रियें दे रेलवे दे सफर दे तुजुबें च सराहनेजोग सुधार आना करदा ऐ। स्टेशन पर त्योहारें दौरान भीड़ प्रबंधन दा निरीक्षण करदे मौके मंत्री होरें आखेया जे होल्लिंग एरिया यात्री सुविधा केन्द्र दा हिस्सा ऐ, जेदे च केई

टिकट काउंटर दे शौचालय बी हैन। एदे नै लगभग 75 हजार लोकें दी मौजूदगी च बी यात्रियें दी आओ-जाई बड़ी गै रमानदारी आले ढंगै कन्नै जारी रौहंदी ऐ। उनें दसेया जे भारी भीड़ दे बावजूद रेलवे कर्मचारी यात्रियें लेई बवस्थित संचालन ते यात्री सुविधा यकीनी बनाने लेई 24 घैंटे कम्म करा करदे ना। वैष्णव होरें इब्बी दसेया जे त्योहारे दी इस रुतै दौरान मुख भरै च 12 हजार दे कोल-काल विशेष रेलगड्डियां बी चलाइयां जा रदियां। रेल मंत्री होरें रेलवे दे कंट्रोल रूम दा बी दौरा कीता जित्थे स्टेशन पर लगगे दे सी.सी.टी.वी कैमरे दी मदद कन्नै सुरक्षा दी निगरानी कीती जंदी ऐ ते हर नक्लो-हरकत पर नेडमी तक्क रक्खी जंदी ऐ।

<><><><><><>

Army Commander

फौज दी उत्तरी कमान दे जनरल आफिसर कमांडिंग- in Chief लैफ्टिनेंट जनरल प्रतीक शर्मा होरें कब्जा रेखा ते होरनें अगेत्रें इलाकें दा दौरा लाइयै उत्थे तैनात जोआनें कन्नै गल्लबात कीती। फौज दियें कारवाइयें सरबंधी त्यारियें दा जायजा लैंदे होई लैफ्टिनेंट जनरल शर्मा होरें चुनौतियें भरोचे हालात च बी मजबूत ध्येइये ते पेशेवराना जब्बा बरकरार रक्खने लई सभ्भनें जोआनें-अधिकारियें दी सराहना कीती। उनें खित्ते च रमानदारी ते स्थिरता यकीनी बनाने दे कन्नो-कन्नो देसा दे बन्ने दी हिफाजत लेई उंदे जत्तें दी बी सिफ्त कीती। फौजी कमांडर होरें कारवाइयें सरबंधी त्यारियां बरकरार रक्खने ते बक्ख-बक्ख बलें बश्कार तालमेल यकीनी बनाने दी जरूरतै पर बी जोर पाया तां जे नमीं उभरा करदी चुनौतियें दा असरदार ढंगै कन्नै मुकाबला कीता जाई सकै।

Justice Oswal

जम्मू-कश्मीर ते लद्दाख हाई-कोर्ट दे जज ते जिला कठुआ लेई प्रशासनिक जज जस्टिस रजनीश ओसवाल होरें जिले च तोड़ चाढ़े जा रदे न्यायिक ढांचागत प्रोजैक्टें दा निरीक्षण करदे होई उन्दे कम्मे च हासल प्रगति दा जायजा बी लैता। जस्टिस ओसवाल होरें अपने दौरे दी शुरुआत हीरानगर थमां कीती जित्थे उनें जेरे-तामीर नमें अदालती परिसर दी निरीक्षण कीता। उनें जारी कम्में दी रफ्तार दा जायजा लैंदे होई कम्म तोड़ चाढ़ा रदी एजेंसी गी निर्देश दिता जे ओ कम्मै दी रफ्तार च तेजी आनन ते इस परियोजना गी तौले शा तौले पूरा करना। कठुआ दे डिप्टी कमीशनर राजेश शर्मा ते एस.एस.पी. मोहिता शर्मा होरें बी इस मौके पर जस्टिस ओसवाल हुंदे कन्नै मलाटी कीती। जस्टिस ओसवाल होरें मगरा बार एसोसिएशन कठुआ कन्नै इक बैठक बी लाई।

Badminton Tanvi

बैडमिंटन च जूनियर World Championship दे खेले गेदे फाईनल मुकाबले च भारत दी तनवी शर्मा थाइलैंड दी खडारन अन्यापैट थमां 7-15, 12-15 कन्नै हारी गेइयां ना। कल होए दे सैमीफाईनल मुकाबले च तनवी नै चीन दी खडारन लियू-सी-या गी 15-11, 15-9 कन्नै हराइयै फाईनल च अपनी थाहर पक्की कीती ही।

<><><><><><>